

Nama: _____. Tarikh: _____.

Baca petikan di bawah ini dengan teliti kemudian jawab soalan-soalan berikutnya:

Vandalisme sering dikaitkan dengan golongan remaja yang dikatakan belum berfikiran matang. Vandalisme ialah penyakit sosial yang membimbangkan masyarakat dan negara. Beberapa faktor dikenal pasti sebagai **punca** vandalisme.

Vandalisme berlaku kerana remaja yang terbabit mengalami tekanan jiwa. Ada di antara mereka hidup kesunyian. Hal demikian disebabkan mereka tidak mempunyai tempat yang sesuai untuk meluahkan isi hati mereka. Oleh itu, mereka **meluahkan** ketidakpuasan mereka melalui tulisan dan lakaran.

Keruntuhan institusi keluarga juga menjadi punca vandalisme. Misalnya, keluarga yang porak peranda, ibu bapa sering bergaduh dan memecahkan peralatan rumah. Perbuatan tersebut menjadi perhatian anak-anak mereka sejak kecil lagi. Apabila anak itu meningkat dewasa, tindakan ini akan menjadi amalan dalam kehidupan harian.

Pengaruh rakan sebaya juga menjadi punca vandalisme. Golongan remaja gemar mencontohi sikap dan tingkah laku rakan sebaya. Biasanya vandalisme dilakukan oleh kumpulan remaja yang tiada pegangan hidup. Mereka akan berkumpul dan **berpeleseran** di tempat awam.

Vandalisme juga disebabkan oleh media massa. **Pemaparan** adegan yang berunsur keganasan dan tindak-tanduk negatif pelakon dalam filem boleh mempengaruhi remaja. Remaja tidak sedar bahawa perbuatan para pelakon itu sebenarnya salah di sisi undang-undang.

Masyarakat dan kerajaan harus berganding bahu untuk memerangi vandalisme. Vandalisme tidak sepatutnya dianggap perkara **remeh** temeh kerana vandalisme mungkin menjejaskan imej negara di arena antarabangsa.

1. Apakah yang dimaksudkan dengan vandalisme?

= Vandalisme bermaksud

2. Vandalisme sering dikaitkan dengan apa?

= Vandalisme sering dikaitkan dengan

3. Nyatakan 3 punca berlakunya vandalisme ini?

= Ada 3 punca berlakunya vandalisme, iaitu:

1) _____.

2) _____.

3) _____.

4. Bagaimanakah pengaruh media massa dapat menyumbang sebagai punca berlakunya vandalisme?

= Pengaruh media massa dapat menyumbang sebagai punca berlakunya vandalisme daripada _____

5. Pihak manakah yang perlu berganding bahu untuk memerangi vandalisme?

= _____ perlu berganding bahu untuk memerangi vandalisme.